

善本方志輯·第一編

中國地方志集成

順治洪洞縣續志
乾隆趙城縣志
康熙隰州志

中國地方志集成

善本方志輯·第一編 ②1

順治洪洞縣續志

乾隆趙城縣志

康熙隰州志

鳳凰出版社 ● 上海書店 ● 巴蜀書社

圖書在版編目（C I P）數據

中國地方志集成. 善本方志輯. 第一編 / 鳳凰出版社
編. -- 南京 : 鳳凰出版社, 2014. 5
ISBN 978-7-5506-1218-1

I. ①中… II. ①鳳… III. ①中國—地方志 IV.
①K29

中國版本圖書館CIP數據核字(2014)第101386號

中國地方志集成·善本方志輯·第一編



著 作 者	本 社 編 選
責 任 編 輯	王愛榮 吳 瓊
封 面 設 計	范一辛 姜 嵩
出 版 發 行	鳳凰出版傳媒股份有限公司 鳳凰出版社(原江蘇古籍出版社) 發行部電話025-83223462
出版社地址	南京市中央路165號, 郵編: 210009
出版社網址	http://www.fhcbs.com
經 銷	鳳凰出版傳媒股份有限公司
印 刷	金壇市古籍印刷廠有限公司 江蘇省金壇市晨風路186號, 郵編: 213200
開 本	787×1092毫米 1/16
印 張	3420.5
版 次	2014年5月第1版 2014年5月第1次印刷
標 準 書 號	ISBN 978-7-5506-1218-1
定 價	44500.00圓(全七十八冊)

(本書凡印裝錯誤可向承印廠調換, 電話: 0519-82338389)

順治洪洞縣續志

(清)

趙三長
纂修
晉承柱



《順治洪洞縣續志》不分卷，清順治
十三年（一六五六）修，十六年（一六五
九）刊刻。現據鈔本影印。

目錄

順治洪洞縣續志·····	〇〇一
乾隆趙城縣志·····	二二七
康熙隰州志·····	六一一

洪洞縣續志序

丙申春 不肖受

天子命承乏茲土自燕如晉馬首所
經遍覽太原汾陽諸勝次歷縣山
逾靈石以及霍嶽逶迤而南始抵
楊邑見其山川秀麗佳氣鬱葱今
人應接不暇始嘆洋洋大國之風

固超出恒區萬萬也洎受事後案牘風塵日無寧晷一切藝文翰墨不事緇閱久矣一日公餘慨然曰居是邦不改古志未免貽譏大方亟披覽之遠溯臯陶師曠之遺踪近觀韓衛諸公之偉業俾千古而下聞風景仰益信洪為古帝畿內

地其風氣淳龐賢才輩出良有以
也攷洪志自關中喬公脩輯由明
萬曆乙酉迄今已亥越七十餘年
矣殘缺未補深可愜慨今夏四月
郡憲萬大人來守平水晉詢曰邑
乘大典也可湮滅弗傳耶其各圖
纂脩共勦盛舉諸君勉之不肖因

周爰諮諏敦請諸縉紳及子衿謀
馬衆論僉同以大

叅胡宋兩先生董其事又於紳士

中擇淹博素著者輔之爰是開館

於庠之明倫堂肇自天中之次日

甫越月而告竣授諸梓人題曰續

志不肖

取而讀之根據理要綱紀

詳明一事必索其原一行必核其實寧朴母華寧直母阿使百年內政事人文民風國賦一展卷而瞭如指掌彬彬乎一邑信史也

郡憲倡議於前諸君子討論潤色於後厥功炳烺猗歟休哉若夫不

肖

蒞任以來脩黌庠創公署平徭

役以及補城濬池續橋築堤諸務
皆因時事起職所當然聊叙諸篇
末以備後人攷訂云爾敢謂為已
力也歟方今

聖天子勵精文治命館閣諸大臣纂
脩史禮樂大作此志應運而興
正當其時然則茲編也雖不必遺

直若羊舌博綜若龍門而紀事紀言

信今傳後將見邑之君子景徃哲
而振新猷邑之小人聞節義而起
頑懦邑之長史覩生齒之耗繁酌
徭賦之輕重因時變通加意無綏
其於國計民風政治教化所關非
淺鮮也豈第鋪張藻績粉飾太平

已耶是為序

晉

順治己亥林鍾上浣之吉

洪洞縣知縣古吳趙三長書於公

署之思補軒

洪洞縣續志序

古者國各有史世史掌之業不分而
職司專表季繫世累累如貫珠而事
無遺落之患志則閱年所而始一為之
夫志之為言職也賢者識大不賢
者識小採識大識小者述而誌之離離
可紀也使因循遲久至於世遠人

湮後之作者徵文考獻無所取衷而
欲燭照鏡別以論列乎前代夏蟲鳥
可以語冰哉此續編之役其在今日
為尤亟闔邑人士咸有志而未逮幸
姑孰趙公之蒞茲土也百廢俱興廼
于邑志慨然有纂脩之思今夏會郡
太守檄於是集邑之紳衿於學宮謀

操觚諸君子既有其人屬余同二酉
公董其成事僉謗劣不文髮且如此
種種也而謬操鉛槧濫竽較讐其不
自揆甚矣然素志寔切續貂安敢謝
不敏竊惟孔子作春秋絕筆於周敬
王獲麟之年而涑水紫陽之通鑑綱
目託始於威烈王二十三年春秋之